

2025 ԹՎԱԿԱՆԻ ԸՆԹԱՑՔՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ՀԱՏՈՒԿ ԾԱՌԱՅՈՂՆԵՐԻ
ՎԵՐԱՊԱՏՐԱՍՏՄԱՆ ԵՎ ՀԱՏՈՒԿ ՈՒՍՈՒՑՄԱՆ ԴԱՍԸՆԹԱՑՆԵՐԻ ԻՐԱԿԱՆԱՑՄԱՆ
ՀԱՄԱՐ «ԻՐԱԿԱԿԱՆ ԿՐԹՈՒԹՅԱՆ ԵՎ ՎԵՐԱԿԱՆԳՆՈՂԱԿԱՆ ԾՐԱԳՐԵՐԻ
ԻՐԱԿԱՆԱՑՄԱՆ ԿԵՆՏՐՈՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆԸ
ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ

N ՀՀ ԱԶԿ ԴՎ - 07/25

ք.Երևան

«29» «հունվար» 2025թ.

Հայաստանի Հանրապետության արդարադատության նախարարությունը, ի դեմս գլխավոր քարտուղար Էդգար Հովսեփյանի (այսուհետ՝ դրամաշնորհ տրամադրող), որը գործում է պետական մարմնի կանոնադրության հիման վրա, մի կողմից, և «Իրավական կրթության և վերականգնողական ծրագրերի իրականացման կենտրոն» պետական ոչ առևտրային կազմակերպությունը, ի դեմս տնօրեն Հայկ Սանոյանի (այսուհետ՝ դրամաշնորհ ստացող կամ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով «Հայաստանի Հանրապետության 2025 թվականի պետական բյուջեի մասին» օրենքը, Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների եւ դրամաշնորհների հատկացման կարգը հաստատելու մասին» N 1937-Ն որոշումը, Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեի կատարումն ապահովող միջոցառումների մասին» N 2060-Ն որոշմամբ հաստատված հավելված N 5-ի 7-աղյուսակը և N 9.1 հավելվածը (այսուհետ՝ որոշում), ինչպես նաև Արդարադատության նախարարի հրամանով հաստատված (հաստատվող)՝ 2025 թվականի քրեակատարողական, պրոբացիայի ու հարկադիր կատարումն ապահովող ծառայողների վերապատրաստման և քրակատարողական ու հարկադիր կատարումն ապահովող ծառայությունների հանրային ծառայողների հատուկ ուսուցման ծրագրերը (դասախոսությունների և գործնական պարապմունքների ցանկերն ու ժամանակացույցերը) (այսուհետ՝ հրաման)՝ «Արդարադատության համակարգի աշխատակիցների վերապատրաստում և հատուկ ուսուցում» ծրագրի մաս հանդիսացող «Հատուկ ծառայողների վերապատրաստում և հատուկ ուսուցում» միջոցառման (այսուհետ՝ ծրագիր) իրականացման նպատակով, կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան

1.1. Սույն պայմանագրով դրամաշնորհ տրամադրողը պարտավորվում է ծրագրի մաս հանդիսացող Արդարադատության նախարարության հատուկ ծառայողների վերապատրաստման և հատուկ ուսուցման միջոցառման իրականացման նպատակով կազմակերպությանը հատկացնել Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեի կատարումն ապահովող միջոցառումների մասին» N 2060-Ն որոշմամբ հաստատված հավելված N 5-ի 7-աղյուսակով նախատեսված՝ 187752,0 հազ. (մեկ հարյուր ութսունյոթ միլիոն յոթ հարյուր հիսուններկու հազար) ՀՀ դրամ գումար՝ ներառյալ ավելացված արժեքի հարկը, իսկ կազմակերպությունը պարտավորվում է ծրագիրն իրականացնել Արդարադատության նախարարի հրամանով հաստատված (հաստատվող)՝ 2025 թվականի քրեակատարողական, պրոբացիայի ու հարկադիր կատարումն ապահովող ծառայողների վերապատրաստման և քրակատարողական ու հատուկ ուսուցումն ապահովող

ապահովող ծառայությունների հանրային ծառայողների հատուկ ուսուցման ծրագրերին (դասախոսությունների և գործնական պարապմունքների ցանկերին և ժամանակացույցերին) համապատասխան, ինչպես նաև սույն պայմանագրով սահմանված կարգով և չափով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելված N 1-ում:

2. Կողմերի իրավունքները և պարտականությունները

2.1. Դրամաշնորհ տրամադրողն իրավունք ունի՝

2.1.1. Ցանկացած ժամանակ ստուգել Դրամաշնորհի ստացողի կողմից իրականացվող միջոցառումների ընթացքը՝ առանց միջամտելու նրա բնականոն գործունեությանը, պահանջել տեղեկատվություն կատարվող աշխատանքների վերաբերյալ:

2.1.2. Պայմանագրով սահմանված պահանջներին չհամապատասխանելու դեպքում սահմանել բացահայտված թերությունների անհատույց վերացման ողջամիտ ժամկետ:

2.1.3 Առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. Դրամաշնորհի ստացողը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացնելու:

բ. իրականացված միջոցառումները չեն համապատասխանում ծրագրով սահմանված պահանջներին:

2.1.4 Դրամաշնորհի ստացողից պահանջել ներկայացնելու Ծրագրի կատարման վերաբերյալ եռամսյակային հաշվետվություններ մինչև հաշվետու եռամսյակին հաջորդող ամսվա 15-ը և տարեկան ամփոփ հաշվետվություն՝ մինչև հաջորդող տարվա փետրվարի 7-ը:

2.2. Դրամաշնորհի ստացողն իրավունք ունի.

2.2.1. Պահանջել Դրամաշնորհի տրամադրողից սույն պայմանագրի 1.1. կետով սահմանված գումարը:

2.2.2 Դրամաշնորհի տրամադրողի կողմից գումարները չվճարելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.2.3. Տեղեկացնել Դրամաշնորհի տրամադրողին սույն պայմանագրով նախատեսված գործունեության ընթացքում առաջացած խնդիրների մասին:

2.3. Դրամաշնորհի տրամադրողը պարտավոր է՝

2.3.1 Ծրագրով նախատեսված դեպքերում աջակցել դրամաշնորհի ստացողին:

2.3.2 Իրականացնել Ծրագրով նախատեսված այլ աշխատանքներ:

2.4. Դրամաշնորհի ստացողը պարտավոր է.

2.4.1. Կանոնադրությամբ սահմանված գործունեությունն իրականացնել ՀՀ օրենսդրությանը համապատասխան:

2.4.2. Պայմանագրով նախատեսված ֆինանսական միջոցներն օգտագործել Ծրագրով և Պայմանագրով սահմանված նպատակներով ու չափաքանակներով:

2.4.3 Կատարել Դրամաշնորհի տրամադրողի կողմից բացահայտված թերությունների վերացման նպատակով տրված ցուցումները:

2.4.4 Դրամաշնորհ տրամադրողին ներկայացնել Միջոցառումների իրականացման մասին հաշվետվություններ:

2.4.5 Պայմանագրի գործողության ընթացում ապահովել Ծրագրի իրականացմանը վերաբերող փաստաթղթերին ծանոթանալու հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6 Դրամաշնորհի պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո Դրամաշնորհ ստացողը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2025 թվականի դեկտեմբերի 20-ը:

3. Պայմանագրի արդյունքի հանձնման և ընդունման կարգը

3.1 Պայմանագրի արդյունքն ընդունվում է կողմերի միջև հանձնման-ընդունման արձանագրության և պայմանագրի կամ դրա մի մասի արդյունքների ընդունման վերաբերյալ եզրակացության ստորագրմամբ: Սույն պայմանագրով նախատեսված հանրային ծառայողի կողմից վերապատրաստման կամ հատուկ ուսուցման դասընթացներին մասնակցելուց հետո հավաստագիր (վկայական) չստանալը՝ ստուգարքին չմասնակցելը կամ այն բացասական ստանալը (գնահատվելը) կամ բացակայությունների թույլատրելի շեմն անցնելու արդյունքում բացասական ստանալը (գնահատվելը), չի հանդիսանում Կազմակերպության կողմից պարտավորությունների չկատարում կամ ոչ պատշաճ կատարում, և պետական մարնինը տվյալ դեպքում Կազմակերպությանը վճարում է սույն պայմանագրով սահմանված կարգով (նաև չափով):

3.2 Եթե իրականացված Միջոցառումը համապատասխանում է Պայմանագրի պայմաններին, Դրամաշնորհ տրամադրողը Պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 /հինգ/ աշխատանքային օրվա ընթացքում ստորագրում և Դրամաշնորհ ստացողին է տրամադրում իր կողմից ստորագրած հանձնման-ընդունման արձանագրությունը:

3.3 Եթե իրականացված Միջոցառումը կամ դրա մի մասը չի համապատասխանում Պայմանագրի պայմաններին, ապա Դրամաշնորհ տրամադրողը չի ստորագրում հանձնման-ընդունման արձանագրությունը և Պայմանագրի 3.2 կետում նշված ժամկետում Դրամաշնորհ ստացողին հետ է վերադարձնում հանձնման-ընդունման արձանագրությունը՝ նշելով դրա չստորագրման համար հիմք հանդիսացած անհամապատասխանությունը:

4. Վճարման կարգը և ժամկետները

4.1 Իրականացվող միջոցառումների դիմաց Դրամաշնորհ ստացողին վճարումները կատարվում են անկանխիկ ձևով, ամսական կտրվածքով, ոչ ուշ, քան հաջորդող ամսվա 7-րդ աշխատանքային օրը՝ համաձայն ֆինանսական պարտավորությունների հատկացման ժամանակացույցի (հավելված N 2):

5. Կողմերի պատասխանատվությունը

5.1 Պայմանագրով և Ծրագրով նախատեսված պարտավորությունների չկատարման կամ ոչ պատշաճ կատարման դեպքում Կենտրոնը պարտավորվում է փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի քանակությամբ:

Կենտրոնին չի ազատում իր պարտավորությունները կատարելու և խախտումները վերացնելու պարտականությունից:

6. Պայմանագրի գործողության ժամկետը

6.1 Պայմանագիրն ուժի մեջ է մտնում Կողմերի ստորագրման պահից, տարածվում է 2025 թվականի հունվարի 1-ից հետո ծագած հարաբերությունների վրա և գործում է մինչև 2025 թվականի դեկտեմբերի 30-ը:

7. Անհաղթահարելի ուժի ազդեցությունը (Ֆորս-մաժոր)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են համաճարակը, երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ դրա մասին նախապես տեղյակ պահելով մյուս կողմին:

8. Այլ պայմաններ

8.1. Սույն պայմանագիրը կնքվում է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

8.2. Պայմանագրում կատարվող փոփոխությունները կամ լրացումները ունեն իրավաբանական ուժ, եթե կազմված են գրավոր և ստորագրված են կողմերի կողմից:

8.3. Սույն պայմանագրով կողմերը իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

9. Կողմերի իրավաբանական հասցեները, բանկային վավերապայմանները և ստորագրությունները

Դրամաշնորհ տրամադրող՝

Հայաստանի Հանրապետության արդարադատության
նախարարություն

ք.Երևան, Վ.Սարգսյան 3/8,

ՀՀ ՀՀ 02506264

Հայաստանի Հանրապետության ֆինանսների
նախարարության գործառնական վարչություն

ՀՀ ՀՀ 90001194272

Գլխավոր քարտուղար



Է. Հովսեփյան

Կազմակերպություն՝

«Իրավական կրթության և վերականգնողական
ծրագրերի իրականացման կենտրոն» ՊՈԱԿ

ք.Երևան, Մ. Խորենացու 162ա

ՀՀ ՀՀ 02509478

Հայաստանի Հանրապետության ֆինանսների
նախարարության գործառնական վարչություն

ՀՀ ՀՀ 900018004821

Տնօրեն՝



Հ. Սանոյան

Մ Ի Զ Ո Ց Ա Ռ ՈՒ Մ Ն Ե Ր

Իրականացվելիք միջոցառման

Անվանումը	Համառոտ բովանդակությունը	Կատարման ենթակա գործառնությունների նկարագիրը	Ակնկալվող արդյունքները և դրանց գնահատման չափանիշները	Վերջնաժամկետը	Պահանջվող գումարը (հազար դրամ)
2025 թվականի ընթացքում Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցման դասընթացների (այսուհետ՝ դասընթաց) իրականացում	1. ՀՀ արդարադատության նախարարության քրեակատարողական ծառայության գլխավոր, առաջատար, միջին և կրտսեր խմբերի պաշտոններ զբաղեցնող քրեակատարողական ծառայողների, Հարկադիր կատարման ծառայության գլխավոր և առաջատար խմբերի պաշտոններ զբաղեցնող հարկադիր կատարողների, Պրորաֆիլի ծառայության գլխավոր, առաջատար և կրտսեր խմբերի պաշտոններ զբաղեցնող պրորաֆիլի ծառայողներ վերապատրաստում և ՀՀ արդարադատության նախարարության քրեակատարողական և հարկադիր կատարման ծառայությունների հանրային ծառայողների հատուկ ուսուցում: 2. Դասընթացներն իրականացվում են՝ Հայաստանի Հանրապետության փոխվարչապետի 2020 թվականի օգոստոսի 6-ի N 476-Լ և N 477-Լ որոշումներով, Հայաստանի Հանրապետության արդարադատության նախարարի՝ 2021 թվականի հունվարի 19-ի N 8-Լ ու 9-Լ և 2023 թվականի նոյեմբերի 13-ի N 667-Լ հրամաններով հաստատված կարգերով (ներառյալ՝ ծրագրերով, ժամանակացույցերով և այլ պայմաններով), Հայաստանի Հանրապետության արդարադատության նախարարի հաստատված ժամկետներում և ծրագրերով: Ծրագրի տևողությունը մեկ ունկնդրի հաշվարկով՝ 39 ակադեմիական ժամ է (մեկ ակադեմիական ժամի տևողությունը 40 րոպե է): 3. Կրակային դասընթացը ներառում է 9x18 մմ տրամաչափի «Բայկալ 442» կարճ ակոսափող հրազենով 12 և «Նշանակետ»	Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցման դասընթացների իրականացում	Արդյունք՝ Մասնագիտական գիտելիքների, հմտությունների և կարողությունների զարգացում Գնահատման չափանիշներ՝ - Վերապատրաստում և հատուկ ուսուցում անցած ունկնդիրների թիվը՝ հավաստագիր (վկայական) ստացած՝ առնվազն դասընթացներին մասնակցած ծառայողների 90 տոկոսը, - Վերապատրաստման և հատուկ ուսուցման դասընթացների համապատասխանությունը ծրագրով նախատեսված թեմաներին	2025 թվականի դեկտեմբերի 30-ը	187752,0

Էլեկտրոնային հրաձգային վարժասարքի «AK 47» ինքնաձիգով 36 կրակ արձակելու գործնական (ներառյալ ստուգարքայինը) դասընթաց, իսկ ՀՀ արդարադատության նախարարության քրեակատարողական ծառայության պահպանության ստորաբաժնման հանրային ծառայողներն ինքնաձիգով 12 կրակ արձակելու գործնական դասընթաց (ներառյալ ստուգարքայինը՝ յուրաքանչյուր ծառայողի համար):

4. Դասընթացներն իրականացվում են Արագածոտնի մարզի Կարբի համայնքի 1-ին փողոց 4-րդ նրբանցք, N 56 շենք և ք. Երևան, Մ. Խորենացու 162ա հասցեներում, կամ դրամաշնորհ տրամադրողի համաձայնությամբ այլ վայրում:

5. «Գորիս», «Արթիկ», «Սևան» և «Վանաձոր»

քրեակատարողական հիմնարկների ծառայողները, ինչպես նաև Շիրակի, Լոռու, Տավուշի, Գեղարքունիքի, Վայոց Ձորի, Սյունիքի մարզային բաժինների հարկադիր կատարման հանրային ծառայողներն ու պրոբացիայի ծառայողները՝ դասընթացների իրականացման ժամանակահատվածում՝ ցանկության դեպքում, հնարավորություն ունեն անվճար գիշերելու՝ ՀՀ Արագածոտնի մարզի Կարբի համայնքի 1-ին փողոց 4-րդ նրբանցք, N 56 շենքի կացարաններում:

Կազմակերպությունը յուրաքանչյուր վերապատրաստում և հատուկ ուսուցում անցնող գիշերակացով մնացող

քրեակատարողական ծառայողի (հանրային ծառայողի), պրոբացիայի ծառայողի և հարկադիր կատարումն ապահովող ծառայության հարկադիր կատարողին (հանրային ծառայողին) տրամադրում է մեկ հատ չոր օճառ (առնվազն՝ 100 գրամ) և մեկ հատ զուգարանի թուղթ /զանափաթեթ/ (առնվազն՝ 18 մետր երկարության):

6. Դասընթացների իրականացման ժամանակահատվածում Կազմակերպությունը ապահովում է Երևան քաղաքից դեպի Արագածոտնի մարզի Կարբի համայնքի 1-ին փողոց 4-րդ նրբանցք, N 56 հասցե (և հակառակը՝ դեպի Երևան) ուղևորափոխադրումը՝ ունկնդիրների (հանրային

ծառայողների) ցանկության դեպքում:

7. ՀՀ արդարադատության նախարարության քրեակատարողական, պրոբացիայ և հարկադիր կատարումն

ապահովող ծառայությունների ծառայողներին (հանրային ծառայողներին)՝ միայն վերապատրաստման և հատուկ ուսուցման դասընթացների իրականացման օրերին (ըստ դասացուցակի և Կազմակերպության Կարգիի ուսումնական կենտրոնում դասընթացներն իրականացնելու դեպքում), Կազմակերպությունն ապահովում է սնունդով՝ Հայաստանի Հանրապետության արդարադատության նախարարի՝ 2021 թվականի հունվարի 19-ի N 9-L հրամանով սահմանված մեխանիզմ (ճաշացանկին) համապատասխան:

8. Կազմակերպությունը յուրաքանչյուր վերապատրաստում և հատուկ ուսուցում անցնող քրեակատարողական ծառայողի (հանրային ծառայողի), պրոբացիայի ծառայողին և հարկադիր կատարումն ապահովող ծառայության հարկադիր կատարողի (հանրային ծառայողի) տրամադրում է մեկ հատ տվյալական կապույտ գնդիկավոր գրիչ, և մեկ հատ նոթատետր (առնվազն՝ 72 թերթանի):

Պետական մարմին՝

Հայաստանի Հանրապետության արդարադատության
նախարարություն
ք.Երևան, Վ.Սարգսյան 3/8,
ՀՎՀՀ 02506264

Հայաստանի Հանրապետության ֆինանսների
նախարարության գործառնական վարչություն
ՀՎՀՀ 900011194272

Գլխավոր քարտուղար



Է. Հովսեփյան

Կազմակերպություն՝

«Իրավական կրթության և վերականգնողական
ծրագրերի իրականացման կենտրոն» ՊՈԱԿ
ք.Երևան, Մ. Խորենացու 162ա
ՀՎՀՀ 02509478

Հայաստանի Հանրապետության ֆինանսների
նախարարության գործառնական վարչություն
ՀՎՀՀ 900018004821

Տնօրեն՝



Հ. Սանոյան

Հավելված N 2

2025 թվականի _____-ին

կնքված N _____ պայմանագրի

«2025 թվականի ընթացքում Հայաստանի Հանրապետության արդարադատության նախարարության հատուկ ծառայողների վերապատրաստման և հատուկ ուսուցման ծառայությունների մատուցման» ծրագրի գծով 2025 թվականի բյուջետային հատկացումների սահմանաքանակների վերաբերյալ ժամանակացույց*

Նախատեսվում է ֆինանսավորել ՀՀ 2025թ. պետական բյուջեից, ընդ որում														Հազար դրամ	
ագրի միջոցառման անվանումը		Ընդամենը տարեկան		(*թվերը ներկայացված են աճողական կարգով)											
				հունվար	փետրվար	մարտ	ապրիլ	մայիս	հունիս	հուլիս	օգոստ.	սեպտեմ.	հոկտեմ.	նոյեմ.	դեկտեմ.
ՀՀ ԱՆ հատուկ ծառայողների ռապատրաստման ատուկ ուսուցման տայությունների մատուցում		187752,0	15646,0	31292,0	46938,0	62584,0	78230,0	93876,0	109522,0	125168,0	140814,0	156460,0	172106,0	187752,0	

Պետական մարմին՝

Հայաստանի Հանրապետության արդարադատության նախարարություն

ք. Երևան, Վ. Սարգսյան 3/8,

ՀՎՀՀ 02506264

Հայաստանի Հանրապետության ֆինանսների նախարարության գործառնական վարչություն

Հ/Հ 90001194272

Գլխավոր քարտուղար



Վ. Ս.

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ

ք. Երևան, Մ. Խորենացու 162ա

ՀՎՀՀ 02509478

Հայաստանի Հանրապետության ֆինանսների նախարարության գործառնական վարչություն

Հ/Հ 900018004821

Տնօրեն՝



Հ. Սանդյան